

[314 i.e., 310] Dernière Lettre du P. Paul le Jeune, au R. P. Provincial.

MON R. P.
Depuis que j'ay fermé la Relation, plusieurs choses se font présentées, que j'ay jugé deuoir estre escrites sommairement à V. R. mais sans autre ordre que celui qui me viendra en la pensée, car l'empressement des affaires ne me permet pas de digerer ce que j'ay à dire.

J'ay remarqué dans la Relation, que Monsieur le Gouverneur estoit monté au deuant des Hurons, pour communiquer avec ces peuples, qui viennent voir tous les ans nos François. Comme le retour de la Flotte le pressoit, apres auoir long temps seiourné aux trois Riuieres, en fin il descendit à Kebec le 29. d'Aoust, aiant perdu toute esperance de voir plus de Hurons, pour ceste année. Je l'accompagnai tousiours dedans sa barque par son commandement, nous arriuasmes la nuict, du 31. du mesme mois. Le iour d'apres nostre arriuée, parut vn canot [315 i.e., 311] qui vint nous apporter nouvelle, qu'enuiron cent cinquante Hurons estoient descendus, & qu'il feroit à propos, que Monsieur le Gouverneur remontaist pour les voir; ces peuples souhaitans luy parler. Nos Peres m'escruiuent qu'il estoit entierement necessaire que j'y retournaisse aussi, pour les affaires de nostre Mission des Hurons, & pour le Seminaire. Monsieur le Gouverneur occupé a expedier les depeschés de la